

ادبیات عمومی و خبری

هفته لقی سیاسی ، ادبی و علمی غزته در

جلد : ۱

سنه : ۱ ۱۳ صفر ۱۳۳۵ جمعه ایرتسی ۲۶ تشرین ثانی ۱۳۳۲ نومبر ۶

سیاسیات

برقانونك برملتى مدافعه سی

۲


فینلاندىا ، حقوق تاريخيه سنك تاريخ تأسسى اولان ۱۸۰۹ دن اول اسوچك برقسىدى ،
وغران دوقه لقی اسمیله بعض مختاریت علامتیرینه رغماً ، بوتى كورفزینك دیگر ساحلنده اولدیغى كې ،
ولایتلره منقسمدى . بركون قوجه پترو نهوانك منصبینده پترسبورغى بناایدنجه ، روس پاتختى فین
حدودنده بولوندى ؛ بو معادله جغرافیه نك ایكى چاره حلی واردى : اوده یافینك ، یا موسقوفك
یا ایلریله مى ، یا کريله مسیدی ! نهایت تاریخ ایشی حل ایدهرک فینلری محزون ، روسلری ممنون
ایتدی ؛ اون سکزنجی عصر ایله اون دوقوزنجینك ابتداسنده ایكى احتمال سیاسى صره ایله تحقق
ایتمشدى : اولاً ، فینلاندىانك بعض پارچه لری نیشداد و آبو معاهده لریله روسلره انتقال ایدیوردى ؛
بونلرك مجموعى [ویبورغ ایالتی] بعنوانیله چارك دائره مظالمه داخل اولدى . اون دوقوزنجی عصرده
ایسه ، برنجی آلکساندرله و کلاسی بوتون فینلاندىای ایستمکه باشلادیلر ! ایکنجی قاترینك بوتون لهستانی
تك باشنه بوتوق سیاستنى ، روسیه بوسورتله فینلاندىاده تطبیق ایده بیلیوردى . مملکتی آلق ، مقابلنده جریت
داخلیه ویرمك نظریه سی اون سکزنجی عصرده تصور ، اون دوقوزنجی عصرده تطبیق ایدلش دیمکدی .
بو چاره نك سایه سنده ، چارلق تاجنه فینلاندىا فضله برطاش ، آلکساندرده فینلرك غران دوقه سی
اولدى ! وضعیت ، بر دولت پارچه سنك نیم الحاقی ، یا خود حقوق عمومیه وحق سلطنت اعتباریله یكى
بر حکومتك تأسیسی دیمکدی ؟ یوقسه چارله فین دیه تی آراسنده طرفین ائتلافی ویا ساده چارك
برتعهد منفردیمیدی ؟ هر حالده بچشمزده بو نقطه لر تدقیقه دکز .. مهم اولان ، مسائل خارجیه ایله
حقوق سلطنتدن ماعدا ، قوانین سابقه نك بقاسیدی ! اسوچك بو جزء قدیمده ، شکل حکومته
واتحاد ایله امنیت عمومیه دایر اولان اسکی مقاوله ، یكى حالده ده جاریدی ؛ مملکتك بر حیات

معلومکز اولاً ومن بعد وفور موالات و اخلاصکز مقتضاسنجه اول طرفه متعلق اولان اخبار اخبارندن خالی اولنیه که موجب ازدیاد مصافات اولندوغنده اشتباه اولیه وردوسنده اولان قریم کرای خان جزیره دن خارج یره کتاماکیچون ردوس بکنه حکم شریف کوندرلشدر و مقدا جزایره سورولک فرمان اولونانلردن مرپور بلعیش اهل فساد اولغین اول جانبه کوندرلیوب کیرو سیزه ارسال اولمشدر . واردوقده وجه و مناسب کوردوککز اوزره حقندن کله سز . فی ۹ محرم ۹۷۶ .

صوقوللو محمد پاشا تاتار خانه بو نامه یی یوللادقن صوکرا ، اژدرخان سفرینه کوندریله جک قوت ایچونده تدارکاتده بولوندی . قوه سفریه ، کفه بکیر بکیسی قاسم بکک قومانده سنده بولوناجق ؛ چرکس امراسنک کافه سی معینه التحاق ایده جکدی . تاتار عسکرینک باش بوغلغنه تاتار خانک کتخداسی نصب ایدلک موافق کورولشدی . کفه ساحنه قوتلی بر دونما کیده جکدی ؛ کفه دن ، « تات ایلندن وبالقلاغی و منکوب و تمان رعایاسندن کله ، چراخور اخراج » ایدیله جکدی .

صوکی کله جک نسخه ده

احمد رفیع



[۱۷ تشرین ثانی — ۲۳ تشرین ثانی ۱۳۳۲]

بو هفته نك شئون حربی بك دولغوندر . كچن نسخه مزده دیدیکمز کبی ، شرقی صحنه حربنده بتون بر ملتک مقدراتی و بالنتیجه حربیه ختام و یره جک « ظفر نهائی » نك اولیاتی آتشله و قانله یازیلیور . دشمنلر حرنه دیرلر سه دیسینلر ، کندیلری نه قدر معظم و منابع قوتلری نه قدر جهانشمول اولور سه اولسون ، ایکی بوجوق سنه لک حرب عمومیده ، اتفاق مربعک شو صوک هفته ظفری کبی مالامال موققیات بر هفته کوستره ضرر و یالکمز شو مقایسه غالب و مغلوب طرفی فصاحت کافیه ایله آ کلامغه کافیدر . « ظفر نهائی نك اولیاتی » دیدک . صلحدن بحث ایدلکجه ، هر مات « ظفر نهائی یه قدر ، ظفر نهائی یه قدر ! » دییوردی . ایشته بعیدالوصول کبی کورونن بوغایه آمال ینه اتفاق مربع افقندن طوغمه باشلادی . و بز امیز ، بونک قطعیت مفادی ، ضیای قاهری قارشیسنده اک معند لسانلر ، اک نابینا کوزلر آرزمانده تسلیم حق و حقیقته مجبور اوله جقلردن وایشته اوآن مسعودده بوتون اقوامی صارصان صرعه جدال نهایت بولاچقدر .

صوک هفته نك شئون جدولی طولدوران وقایع عظیمه برتک جبهه حربده جریان ایتدی که اوده رومانیای جبهه حربیدر . غربده فرانسه - انگلیز جبهه سنده صوم ملجمه مدیده سی ، کچن نسخه مزده کی تخمینمز کبی ، بوسبوتون فیصلیدر اولیور کبی کورونیور . بو کونلرده صوم جبهه سنده نسبه اوافق تفک قیصه تعرضلردن ، آرا صیرا طویجی آتشدن باشقه بر شی اولمادی . وردون اوکنده سکونت

وان. یالکز انکیزلر، بر دفعه سی ۳ کیلومترو طولنده بر جبهه اوزرنده اولق اوزره (ایر) ده ایکی تعرض یابدیلر. وبالطبع نتیجه سز قالدی.

ایتالیان جبهه سنده، جنرال (قادورنا) نك «احوال هواشیه» ترصداتنه بکزه یی تبلیغری چوق فنا هو الرقید ایدیور، وقارست یایلاسنك طاشاق زمینی اوزرنده آراضیرا، پك غایه شدتی بولما یه رق کورله یی طولردن ماعدا (تیرو) و (قاراتی) جبهه لری قارایچنده اویویور. بو اویقونك بهاره قدر دوامی مأمول. ما کدونیا جبهه سنده، سارای دیوشیرمه اوردوسی چرنا وادیسنده وبالخاصه بو وادینك شرقنده (بلاسیچه) اتکلرنده، (غرونیشته) کوی جوارنده متفقلریمزك هر زماندن دها رصین سدلرینه چارپوب طورویور و بدیخت ما کدونیا قیرلرینك بیاض ستره سی صوك صرب اولادلرینك و مملکتلری اوغورنده اولك سعادتندن بیله محروم ایدلش فرانسیز نفرلرینك قانلریله لکه دار اولیور. پك یازیق بوانسرافاته که نه قرال پترو، نه (ایش اولسون) دییه سلانیکه قوجه بر اوردو کونده رهن ائتلاف عالمی بر نتیجه مفیده چیقاجغنه کندیلری ده اینا غایورلر.

اصل مهم وقوعات شرق و شرق جنوبی جبهه لرنده جریان ایتدی. کچن نسخه مزده جنوبدن طونه یی مرور و غربدن افلاقی استیلا ایله دشمنی (آلت) نهرینك اوتیه طرفنه تبعید ایتدکاری یازدیغمز متفقین قواسی بو هفته پك بویوک ثمره لر ایده ایتدیلر. جرأت و مهارتی (قیرمزی قله) کچیدی صارمه حرکتده اثبات ایددرهك هرمانشتاد میدان محاربه سنده آلتمش بیک کشیلاک بر رومن اوردوسنك محوینی احضار ایله یهن باویهرالی جنرال قونت (دملهن زینغن) (قامپولونخ) ك شمال غریبسنندن و (قورته آدو آرکاش) طرفلرندن اینه رك شدید بر ضربه ایله افرنجی ۲۹ تشرین ثانیده (قامپولونخ) و (پیته شتی) شهرلرینی ضبط ایتدی. بوا یکی شهرك ضبطی صوك درجه مهمدی و آرتق بوراده، طوعاً و یا کرهاً مقاومت ایدمه یی مغلوب رومن اوردوسنك بکرش غربنده بر مقاومت محاربه سی ویرمه یه چکی احتمالی اونده دوقوز کسب قوت ایتشدی. زیرا (قامپولونخ) (تورجیورغ) کچیدینك جنوبنده، رومنلرک تاحربك بدایتندن بری مقاومت ایددن برطاغ خط مدافعه سی ایدی. و بورانك جنوب غریبسنه تصادف ایدن (پیته شتی) موقعی ایسه هم بو خط مدافعه نك اقصای یساری، همده مهم بر شمندوفر مرکزی ایدی. بو ایکی مهم نقطه استنادك ضبطی خبرویره ن آلمان تبلیغ رسمیسی «دون پیته شتی دن باشقه قامپولونخ دخی ضبط ایدلش و بوضورتله (تورجیورغ) کچیدی اوزرندن جنوبه کیده ن یول دخی آجیلشدر» دیوردی. كذلك ایزته سی کونکی ۱ کانون اول، تاریخی تبلیغ رسمیده «پیته شتی و قامپولونخ وادیلری طریقله افلاقه کیده ن» قولارک آلدقاری اسرا و غنائمدن بحث ایدیلیور و بوضورتله برنجی رومن اوردوسنك بوا یکی موقعی غائب ایتکله، بکرش غربنده و آرکاش صوبی (آرکاشول) بویجه ویرمه یه چکی میدان محاربه سندن امیدنی کسمه سی لازم کلدیکی ایغا اولونیوردی.

آرتق یوندن صورکره، صاخ جناحك استناد کاهلرینی غائب ایتش اولان و ذاتاً قوه مغویه سی قیرلش بولان برنجی رومن اوردوسنك (آرکاش) خطنده بر محاربه ویرمه سی بکله نه مزدی. فقط شمالدن برخلی رومن - روس قوای امدادیه سی آلتش، بکرشی هرچه باد آباد قورتارمغه مایوسانه قرار ویرمش، اتفاق صربك ایکی هفته در بلا آرام ایلریله مکده اولان قوتلرینك بیتاب قالدیغنی ظن ایتش اولان دشمن نومیدانه بر میدان محاربه سی قبول ایتدی، وایکی کون دوام ایدهن و متفقلریمزك تبلیغلرنده (ملحمه)

تعبیر یہ آ کیلان بوجار بہ بی طبیعی غائب ایلہ دی۔ بوجزیدہ برنجی رومن اور دوسی صاغ جناحی قامبولونخ و (پراہووا) وادیلری آراسندہ کی کوچوک وادیلرہ، مرکزینی آرکاش صوینہ، صول جناحی دہ آرکاشدن مقابل برتعرضلہ مرورایدن و (نہ آنلوف) نہرینہ یتیشہ رک متفقینک طونہ اور دوسنہ صارمہ حرکتیلہ ضربہ ایندیرمک ایستہ بن روس۔ رومن قوای فائقہ سنہ استنادایتدیریوردی۔ فقط دشمن عدداً فائقینہ، آلدینی قوای امدادیہ، بزم طرفک لاقل ۱۵ کوندربرمشی مظفرانہ ایلہ یورولش اولاسنہ رغماً مغلوب وپریشان ایدلہ دی۔ وایمپراطور کیلوم حضرتلرینک؛ کانون اولدہ بوتون آلمانیا دہ چاکلرک چالینمہ سنی امراتہ لرینی ایجاب ایدہ جک درجہ دہ قطعی برہزیمتہ اوغرادلہ دی۔ آرکاش ملحمہ کبراسی اٹناسندہ بکرشک جنوب و جنوب غربی سندن واقع اولان تعرضلری مظفرانہ دفع ایدن و دشمندن اسیر و غنائم آلان تورک قوتلری مائترقہرمانانہ لرینی نہ کوستردیلر۔ دشمن شیمدی غریبہ طوغری تعقیب ایدیلر۔ متفق قوتلر آرکاشی مرور ایلہ بکرش استحکاماتی ایوم آتش آلتہ آدیلر۔ بکرشک شمال شریفی سندنہ۔ (پلوٹہشتی) موقعی۔ کہ رومانیانک الکیمہ خطوط حدیدیہ التصاق کاہیدر۔ المزہ دوشمک اوزرہ در۔ واوندن صوکرہ آرتق بکرش خطوط مواصلہ سندن تجرید ایدلش اولہ جقدر۔ چونکہ (چرناوودا) یہ کیدن (فہتہشتی) شمند و فرینی دوبریجہ جہتدن برتعرضدن قورقارق کندیلری تخریب ایتلردی۔

دشمنلر ۷۰۰۰ عسکرلک برشاہ اثری عدایتکلری افلاق حرکاتی پک پارلاق نتایج ویریورد۔ ماکنزن و فالکنہاین کبی الکسرت تجربہ لردن معظم ظفرلرلہ چیقان ایکی قوماندانک ادارہ سی آلتدہ کی اوردولرینی یالکز صوک ہفتہ دہ ۱۵۰ قدر طوب و یوزلر جہ میترالیوز، بیکلر جہ آرابہ، واغون، یوز بیکلر جہ طون مہمات آدیلر۔ بوکون یارین (پلوٹہشتی) نک سقوطیلہ (پراہووا) وادیسنک پترومل معدنلری دہ المزہ کچہ جکدر۔ دنیاک الک بویوک ذخیرہ انبارلرندن معدود اولان رومن اوواسنک قسم مہجی شیمدین المزدہ در۔ محیطی ۷۵ گیلو متروہ بالغ و باجیقالی (بریالمون) ک اثرلرندن معدود اولان برنجی صنف بکرش قلعہ سندنہ رومنلر یوز بیک کشیلک بر اوردولرینی محاصرہ ایتدیرہ جکلرمی؟ یوقسہ بورای بوتون لوازم و مہماتیلہ ترک ایدہ جکلرمی؟ شیمدی یہ قدر رومن اوردوسی موجودین ۱۰۰۰ بیکہ قریب اسیر، ولا اقل ۳۰۰ بیک ضایعات ویرمش اولاسنہ کورہ ظن ایتہ بزرگہ بکرشدہ دہا ۱۰۰ بیک کشیلک بر اوردو براقہ بیلین۔ بلکہ ضعیف بر مدافعہ یا پہ جقدر۔

دشمنلر ۷۰۰۰ بالخاصہ روسلر دوبریجہ دہ وغالیچادہ (زلوتالیا آشاغیدہ) (یابلوچا) و (سموترہج) کچیدلرندن تا ترانسیلوانیانک شرق حدودندہ کی طاغلرہ قدر یوزلر جہ کیلو مترولر اوزرندہ، افلاقندہ کی مہزم رومنلری قورتارمق اوزرہ شدید هجوملر یابدیلر۔ فقط آوستریا تبلیغندہ دینلیدی کی بو هجوملر روسلرک آرتق بیتاب اولدقترینی اثباتدن باشقہ برشیثہ یارامادی وبر ہفتہ دہ قائل بر صورتدہ اریدی۔ رومن اوردوسی محکوم ممات و رومن مملکتی محکوم استیلادر۔ بونی ہیچ برشی قورتارہ ماز عثمانلی صحنہ حربلرندہ قفقاسیہ دہ بو ہفتہ نسبت سکونت وارد۔ شجیع عسکرلر ۷۰۰۰ غالیچادہ، کرک دوبریجہ دہ کرک بکرش جنوبندہ و کرک مملکتمزک صحنہ حربلرندہ حال و موقعہ حاکمدرلر۔ بورالرہ یتیشن قطعاً تا ایران داخلندہ ہمدانک یوز کیلو مترو جنوب شرقی سندنہ کی (ساریق) موقعی ضبط ایتدی۔ بوعلو ہمت قارشیسندہ دشمنلر ۷۰۰۰ بیلہ حیرت ایتدکلری شبہ سزدہ۔